



DEBAGOIENEO MANKOMUNITATEA

"DEBAGOIENEO MANKOMUNITATEAREN" ETA BERA OSATZEN DUTEN ZENBAIT UDALEN ARTEKO HITZARMENA, KANPOKO ARGITERIA PUBLIKOAREN INSTALAZIOAK BERRITZEKO BATERAKO PROIEKTUA GARATZEKO, ENERGIA DIBERTSIFIKATU ETA AURREZTEKO INSTITUTUAK FINANTZATUTA

Arrasate, 2016ko martxoaren 1ean.

AGERTU DIRA

UNAI ELKORO OIANGUREN, Debagoieneko Mankomunitateko lehendakari gisa, 2016ko otsailaren 9an Gobernu Juntak hartutako erabakiaren arabera.

MARIA UBARRETXENA CID, Arrasateko alkate gisa, 2016ko otsailaren 18an egindako Tokiko Gobernu Batzarrean hartutako erabakiaren arabera.

MIKEL BIAIN BERRAONDO, Oñatiko alkate gisa, 2016ko otsailaren 29an egindako Osoko Bilkuran hartutako erabakiaren arabera.

ELENA LETE GARCÍA, Bergarako alkate gisa, 2016ko otsailaren 29an egindako Osoko Bilkuran hartutako erabakiaren arabera.

JOSE RAMON ZUBIZARRETA ALEGRIA, Eskoriatzako alkate gisa, 2016ko otsailaren 23an egindako Osoko Bilkuran hartutako erabakiaren arabera.

UNAI ELKORO OIANGUREN, Aretxabaletako alkate gisa, 2016ko otsailaren 8an egindako Osoko Bilkuran hartutako erabakiaren arabera

ESKU HARTZEN DUTE

Guztiek beren karguei dagozkien eginkizunak betez, elkarri Hitzarmen hau egiteko gaitasun osoa aitortzen diote, eta

ADIERAZTEN DUTE

Ingurumena kontserbatzea egungo gizartearen erronka nagusietako bat da, etorkizuneko belaunaldien bideragarritasuna bermatzeko. Klima-aldaketa arintzeko neurriak hartu beharra premiazkoa eta urgentea da. Duela gutxi Parisen klimari buruz egin den gailurrean hartutako erabakiek guztion erantzukizuna planteatzen dute konpromiso honetan.





Besteak beste, energiaren kontsumoa murriztea eta energia-eraginkortasuna areagotzea lehentasunezko jardun-estrategiak dira.

Debagoieneko Mankomunitateak hainbat lan egiten dihardu energiaren arloan. Besteak beste, eskualdeko industriaren arloan energiaren eremuan balio-katearen azterketa egin da, baita Mankomunitatearen Arrasateko egoitzan energia-diagnosia ere, eta ondorioz elektrizitatearen hornikuntza eta kontsumoa zuzentzeko neurriak hartu dira.

Ilido horretatik, Mankomunitateak zera planteatu zien bera osatzen duten udalei: eskualdeko udalerrietan kanpoko argiteriaren instalazio publikoak berritzeko baterako proiektu bat garatzeko aukera. Horren aldeko jarrera teknikoa hartu ondoren, udalerri bakoitzean aurreikusitako jarduketaren deskribapen-txostenak egin dira. Azkenik, aurreikusitako jarduketak eskualde mailako proiektu bakar batean batu dira, eta proiektua elkarrekin idatzi dute Udal parte-hartzaileek eta Debagoieneko Mankomunitateak.

Orain, proiektu hori udaletan kanpoko argiteriaren instalazioak berritzeko laguntza-programaren deialdira aurkeztea proposatu da; Energia Dibertsifikatu eta Aurrezteko Institutuak (IDAE) 2015eko apirilaren 28an egin zuen honetarako deialdia eta 2015eko maiatzaren 5ean argitaratu zen BOEn.

Ondorioz, idatzitako proiektuak eskualdeko udaletan zenbait jarduketa jasotzen ditu. IDAEk onartu eta finantzatzeko balu proiektua, dagokion kontratazio-espedientea izapidetuko litzateke Mankomunitateak gauzatu ahal izateko.

Kanpoko argiteria publikoaren instalazioak berrituko dituen egitasmoak honako helburu hauek lortuko lituzke:

- Energia elektrikoaren kontsumoa %30 gutxienez murriztea.
- Kanpoko argiteria erregulatzea, eskakizun ezberdinetara egokituz.
- Jarduketak BTE-Behe Tentsioko Erregelamendura (RBT) eta energia-eraginkortasunerako arauetara egokitzea.
- Instalazio berrien kalifikazioa A edo B motakoa izango da.
- Argi-puntu bakoitzeko gehieneko finantzaketa 600€-koa izango da.

Azaldutakoaren arabera, alderdiek





ERABAKI DUTE

LEHENA.- Debagoieneko Mankomunitatearen Estatutuen 7. artikuluan ezarritakoaren arabera, non aipatzen baita bere xedea, Hitzarmen honen sinatzaileek jarduketa hau aipatu artikulua hirugarren atalean kokatzea erabaki dute, hor berariaz sartzen baita "udal-ekintza zehatzen koordinazioa", jarduketa hau babesten duena, honetarako aldeztetik dagozkion udal-erabakiak hartu direlarik.

Ondorioz, aurretik IDAEk proiektua onartu eta finantzatzea ebazten badu, Mankomunitatea arduratuko da elkarrekin idatzitako Hitzarmen hau izenpetzen duten udaletan kanpoko argiteria publikoaren instalazioak berritzeko proiektua gauzatzeaz, bere aurrekontu osoa 1.719.552 €-koa izanik, honako xehetasunaren arabera udalerriko edo loteka:

- Aretxabaleta: 244.541 €.
- Arrasate: 548.638 €.
- Bergara: 449.849 €.
- Eskoriatza: 405.133 €.
- Oñati: 71.391 €.

Horretarako, sinatzen duten udalek baimena ematen diote Mankomunitateari proiektuan inplikaturiko udal-instalazioetan —berorien titulartasuna aldatu gabe— aipaturiko proiektua zuzen gauzatzeko beharrezko jarduketak egin ditzan, baita horien garapenerako beharrezko neurriak hartu ere.

BIGARRENA.- Idatzitako proiektua kudeatzeari eta, hala badagokio, gauzatzeari dagokionez, Debagoieneko Mankomunitateak honako lan hauek egingo ditu:

- Energia Dibertsifikatzeko eta Aurrezteko Institutuaren aurrean aurkeztea Hitzarmen hau sinatzen duten Udalek eta Mankomunitateak batera garaturiko proiektua.
- IDAEk onartzen badu aurkezturiko proiektua, aipaturiko onarpenaren ebazpena jakinarazten denetik aurrera gehienez ere 3 hilabeteko epean, proiektua loteka gauzatzeko dagokion kontratazio-espedientearen izapideak hasiko ditu Mankomunitateak, lote bakoitza udalerri bakoitzean aurreikusitako jarduketari dagokiolarik.

Eraikuntza obretako osasun eta segurtasun araudi minimoa jasotzen duen 1997/1627 Errege Dekretuaren ildotik, Mankomunitatea promotore gisa arituko da.





- Proiektua esleitu ondoren, dagokion mailegua izenpetuko du oinarri erregulatzailan eta IDAEk egindako deialdian ezarritako baldintzen arabera.
- Mankomunitateak, inplikaturiko udalen laguntzaz, proiektuaren garapena ikuskatuko du eta dagozkion fakturak ordainduko ditu, gehienez ere urtebeteko epean amaitu behar direlarik lanak, kontratua sinatu ondoren.

Mankomunitateak udalei eskatuko dizkie IDAEekin kontraturiko maileguaren amortizazioei aurre egiteko dagozkion ekarpenak, eta dagozkion ordainketak egingo ditu mailegu-kontratuan hitzarturiko epeetan.

Mankomunitateak IDAEn deialdiekin bateragarri diren beste laguntza-deialdi batzuk aztertuko ditu, eta beharrezko gestioak egingo ditu horiek eskatzeko eta, onartzen badira, gero kudeatzeko. Dena den, laguntza horiek IDAEekin hitzarturiko mailegua amortizatzeko erabiliko dira.

HIRUGARRENA- Proiektuan parte hartzen duten Udalek, bestalde, honako lan hauek egingo dituzte:

- Mankomunitatearekin kolaboratuko dute beren udalerrian kanpoko argiteria publikoaren instalazioak berritzeko lanak egiteko beharrezko laguntza teknikoa emanez, gai honetan adituak diren teknikarien dedikazioaren bidez.
- Proiektuan parte hartzen duten Udaletako bakoitzak dagozkion ekarpenak ordainduko ditu bere udalerrian gauzaturiko inbertsioen arabera, IDAEekin kontraturiko maileguari dagozkion amortizazioak egin ahal izateko Mankomunitateak. Horretarako, IDAEn behin betiko ebazpenaren egunetik kontatzen hasita hilabeteko epean, emandako maileguaren zenbatekoa eta baldintzak ezagutzen direnean, Mankomunitateak proiektuan parte hartzen duten Udal bakoitzarekin hitzarmen bat sinatuko du egin beharreko ekarpenen zenbatekoak eta epeak zehaztuz.
- Proiektuan parte hartzen duten Udalek, hornikuntza eta instalazioaren harrera egin ondoren, egindako instalazioaren jabe izango dira eta beharrezko mantentze-lanak beren gain hartuko dituzte.

Kontratuan ezarritako berme epean, Mankomunitateak kudeatuko ditu enpresa esleipendunak konpondu beharreko aipatu epean sortutako arazoak.





LAUGARRENA.- Proiektuaren edozein aldaketak dagokion Udalaren aurretiazko baimena beharko du. Aldaketa horrek gastua gehitzea baldin badakar, instalazioaren jabea den Udalak Mankomunitateari ordaindu beharko dio gehikuntza hori kontratistari ordaintzeko data baino lehen.

BOSGARRENA.- Hitzarmen hau indarrean izango da bertan aurreikusitako jarduketak amaitu arte.

SEIGARRENA.- Hitzarmen honek administrazio-izaera du, eta beronen interpretazio eta garapena herri-administrazioen arteko hitzarmenei aplikatzen zaien administrazio-ordenamendu juridikoaren arabera arautuko dira.

Hitzarmena interpretatu eta betetzerakoan sortzen diren auzigaiak administrazioarekiko auzien jurisdikzioaren eskumende eta erabakipean jarriko dira.

Eta adostasunaren adierazgarri, goian aipaturiko lekuan eta datan izenpetzen dute,

ARRASATEKO UDALA
AYUNTAMIENTO DE MONDRAGON
Maria Ubarretxena Cid

ONATIKO UDALA
Mikel Bialn Berraondo

ESKORIATZAKO UDALA

Jose Ramon Zubizarreta Alegria

BERGARAKO UDALA

Elena Lete García

ARETXABALETAKO UDALA

Unai Elkoro Oianguren

DEBAGOIENeko MANKOMUNITATEA

Unai Elkoro Oianguren